

平樂府志卷二十三

人道部 三

隱逸

唐

王中立寄興高遐遊心物外胡宿寄詩曰高絃一
美武陵深六幕天空萬里心吳苑歌驪成久別楚
峰回雁好歸音十千美酒花期隔三百枯棋奕思
沈莫上孤城頻送目浮雲西北是家林卽詩意以
觀中立其有道之士歟

宋

林通字達夫富川人仁宗時仕爲御史棄官隱縣
之豹山人因名其山曰隱山巖曰潛德時往來郎
山穿石巖有詩曰鑿開混沌鴻濛地透出明通公
溥天其學不流枯寂當於時用所遭不偶遂退而
終身焉

韓迥昭州人初仕爲太子中舍嘉祐中引疾歸里
號東山野叟時士大夫遭際承平咸懷登進獨於
勢利澹然無所營嘯傲林泉有出塵之致轉運使
李師中高其風概以詩贈之

張雲字立之平樂人鄒浩謫居昭閉門謝客惟一
二高隱相與往來而雲爲最厚

元光昭平人家貧隱巖谷有邁軸之致性嗜飲自

種秫釀酒引滿獨酌醉後輒爲詩詩頗豪放時晉
隆鄒浩以抗疏劾章惇蔡京得罪貶昭聞光名而
訪之光亦日造浩所嘯談不輟
周英糾富川人進士官御史上匡夏疏弗用時壽
皇大漸光宗不問疾英糾同直班御史入諫不聽
遂免官歸隱於穿石巖號掘林道人以養真鍊神
爲事巖中丹竈猶存又有石棋局旁鐫請尋樂處
四大字其餘題刻甚多字畫異常

明

龍文斗永安西廂人邑庠生善養生遭亂讀書養
晦絕意功名夫婦壽俱九十歲

平樂府志

卷二十三

隱逸

二

盧可登永安州人爲人謹飭絕跡不入城府年八
十三死之日惟以謙謹囑子孫
常義遠恭城北鄉里人質行朴魯不入城郭善醫
術多活人不索其謝善行累積鄉里重之死之日
童叟無不垂涕

國朝

蔣山號靜叟恭城人先世廣陵人未冠爲名諸生
明貴州都司府司理蔣屏凝子也屢舉不第棄舉
子業倘伴山水間善讀書非沈疴不廢吟咏明末
避亂藏書石洞泣謂人曰某棄富貴甘貧賤嘔心
血而成書使後世人有傳之者死且不朽矣與海

內諸名公爲詩友所著有響堂集南游草爨桐蕉
鹿詩文諸集若干卷奇才大志特出一時明季僞
藩僭號徵之不赴順治十年卒爲後學所宗

流寓

唐

薛季昶龍門人洛州長史預誅張易之等功進戶
部侍郎五王失柄出季昶荊州長史貶儋州司馬
初季昶與昭州首領周慶立廣川司馬宗楚客不
協懼二怨不敢往歎曰吾至是耶卽具棺沐浴仰
藥死葬昭州

陶英字世民江州人知肯州累官太尉天祐二年

平樂府志

卷二十二

流寓

三

上書言事指斥時政忤朱全忠以太尉拜征南將
軍領兵出鎮昭州蓋遠之也明年全忠篡位英懼
解兵柄隱於誕山之仁壽坊蓮塘村家焉在昭州
二十年至後唐長興間卒同時有李太尉者以避
地來世爲婚姻門閥相高居東樂二里人稱其居
爲陶李洞

宋

毛衷江山人政和間以刑部郎知賀州經富川語
其子曰吾歸閒日將於此卜居後以方臘亂不能
歸卒於宦邸其季子鏜遂創宅居富之秀峰以成
衷志焉

呂本中河南人公著曾孫以文學爲樞密編修官
建炎中嘗避兵寓賀州後召起爲起居舍人

按本中避地賀不見於史惟方輿勝覽載之
金志蓋本之此

陳與義字去非洛陽人累官太學博士金人入汴
避亂襄陽轉嶺嶠寓賀州紹興初召爲中書舍人
毛邁永寧同知浙江江山人三世祖衷刺賀州因
家焉父鏜爲朝奉大夫以歷世仕宋宋亡不仕元
歸隱江東

周宏易崇寧間佐武郎擢武德大夫由寧遠徙居
恭城見縣西平坡中一山亭亭矗立遂卜居讀易

名曰翠微峰卽今之西嶺寨也

徐俯字師川洪州分宜人黃庭堅甥崇寧間庭堅
謫宜州俯來視庭堅卒遂寓居昭州紹興中除諫
議大夫有訪鄒道鄉故居詩並序

按徐俯傳無寓居昭州事方輿勝覽言避亂
抵昭州

梁某父梁熹元豐時上書言新法大爲民害元祐
中極言時相蔡京傾險貪慢不可用後以司馬光
黨屢貶雷州別駕安置熹於化州而徙某於昭州
林楚材富川人性恬雅不樂仕進常寓居昭賀間
以詩歌寄興同時臨桂翁宏亦以詩名與楚才相

爲伯仲

翁宏字大舉桂嶺人常寓居昭賀間不樂仕進能詩送人下峽云萬木殘秋裡孤舟半夜猿南越行云因尋買珠客悞入射猿家細雨云何處殘春夜和花落故宮途中逢友人云孤身半夜雨上國十年心開寶中衡山處士廖融南遊宏贈以詩云孤吟牛渚月老憶洞庭山融以詩謝宏云積思遊滄海冥搜八洞天神珠迷罔象瑞玉匪雕鐫其相推重如此

臨賀令鄭冠卿乾寧中赴調止桂林入棲霞洞遇二道士坐石上奕觴酒命二青衣奏笛彈箜篌音律非人間所嘗聞者與酒僅涓滴出洞倏不見冠卿遂絕意名利退居馮乘壽一百四歲

明

饒彝字士中臨川人工詩畫明永樂間寓居平樂胸次澹然人莫窺其際旣歸昭人慕之各以遺墨爲重

鍾行旦字不夜四川筠連人崇禎間副榜博學善□□知荔浦直流寇猖獗募丁壯守禦民賴全活擢□□石屏州會親卒遂卜居荔浦之筆村人號爲筆山□□

張仲文四川嘉定州人明永樂間進士罷官安置

昭州子滔遷居恭城時稱善人卽張所蘊始祖也
國朝

潘遇祖籍南海人卜居昭平性淳厚動必以禮無
苟然諾中副榜授與安縣教諭樂育有方遊其門
者多名士屢經卓薦卒於官今子孫科第不絕

縣志

翟廉先世督兵來昭遂家焉廉慷慨任俠破產周
急不稍吝父沒於藤縣五屯營時敵壘相環廉裹
父屍負於背突重圍走一日夜竟達昭平得以禮
殮遺五弟三妹俱竭力爲之婚嫁

縣志

陳象簡其先粵東人居鄉醇謹與人無忤早失怙
恃貧不能盡禮常追悔焉每逢忌日佳節輒隱泣

平樂府志

卷二十三

流寓

六

曰祭而豐不如養之簿也終身如一日

縣志

謫宦

唐

崔鉉暉安平人爲中書令與張柬之等謀誅張昌
宗張易之奉中宗復辟後武三思譖鉉暉等將不
利社稷封爲王罷政事未幾三思復使叅軍鄭憶
告五王反貶鉉暉古州司馬柬之等懼貶遠方尋
遣人殺之

按古州在府治東樂山里俗謂之孤州

盧藏用字子潛開元元年以崔湜等謀廢立太平
公主賜死藏用坐私侍公主由驩州改昭州司戶

叅軍

韓思彥字英遠南陽人蘇州錄事參軍罷去上元
中召見思彥久去朝儀矩梗野拜忘蹈舞又詆外
戚擅權后惡之中書令李敬元劾奏思彥見天子
不蹈舞負氣鞅鞅不可用時已拜乾封丞故徒朱
鳶丞遷賀州司馬卒

濮王欣口拱中貶昭州別駕

李邕字泰和中宗朝貶富川司戶參軍

韋陟字殷卿杜陵人天寶十二載入考華清宮楊
國忠忌其才謂拾遺吳豸之曰子能發陟罪乎吾
以御史相處豸之乃劾陟饋遺國忠事又使甥韋
元忠左驗陟惶悸賂吉溫求救由是俱得罪陟貶

桂嶺尉坐不行徙平樂會安祿山陷洛陽弟斌沒
賊國忠欲搆陟與賊通密諭守令脇陟使憂死州
豪傑共說曰昔張說被竄匿陳氏以免今若詔書
下誰敢庇公願公乘扁舟遁去事寧乃出不亦美
乎陟慨然曰命當爾其敢逃刑因謝遣堅卧不出
歲餘肅宗卽位起爲吳郡太守

宇文融京兆萬年人天寶間貶平樂尉融性精敏
以治財賦得幸置諸使競爲聚斂及在相位謂人
曰使吾居此數月則海內無事矣尋坐事貶死

王錫天寶中貶東區尉

穆寧代宗朝貶昭州平樂尉

馬勛武宗貞元十五年貶賀州司戶參軍

嗣虢王則之貞元八年貶昭州司馬

王士平武俊子憲宗朝貶賀州司戶

令狐通京兆富人憲宗朝由壽州團練使貶昭

州司戶參軍

楊憑字虛受宏農人官京兆尹與御史中丞李夷簡素有隙因劾奏憑江西姦賊及他不法欲抵以死憲宗以憑治京兆有績但貶臨賀尉憑得罪姻友憚累無往候者獨櫟陽尉徐晦至藍田慰餞宰相權德輿謂曰君送臨賀誠厚無乃爲累乎晦曰方自布衣臨賀知我今忍遽棄耶有如公異時爲

姦邪譖斥又可爾耶德輿歎其直稱之朝夷簡表爲監察御史謂之曰君不負楊臨賀肯負國乎王源植敬宗寶歷二年以殿中侍御史貶昭州司馬

李珣字待價開成五年以戶部侍郎同中書門下平章事始莊恪太子薨帝意屬陳王旣而帝崩中人引宰相議所當立珣曰帝旣命陳王矣已而武宗卽位人皆危之遷門下侍郎爲文宗山陵使會秋大雨梓宮至安上門陷淤濘不前罷爲太常卿終以議所立貶江西觀察使再貶昭州刺史宣宗立內徙柳舒二州

李回字昭度本名躔字昭回由湖南觀察使宣宗朝貶賀州司戶

王端章大中十一年以衛尉少卿貶賀州司馬

杜倉大中十二年貶賀州司戶

李燁德裕子宣宗朝貶蒙州立山尉

李郁咸通十三年以左散騎常侍貶賀州刺史

崔福咸通十年以比部員外郎貶昭州司戶

韋保衡字蘊用京兆人以司徒貶賀州刺史畱意

民事不以舊宰輔自高

蕭廩字富侯乾符末貶賀州司戶參軍

劉崇望字希徒滑州薛人乾寧中貶昭州司馬

宋

王世則端拱間以右正言與洪湛請立儲貳出知

蒙州

种諤字子正河南洛陽人熙寧四年再貶賀州別

駕

范祖禹字淳甫成都華陽人元祐中爲翰林學士

禁中覓乳媪祖禹以帝年十四非近女色之時疏

言甚切時欲以章惇爲左僕射祖禹上疏極言惇

不可用惇銜之不已喉言官論祖禹修實錄詆誣

又摭其諫禁中乳媪事連貶永州軍節度副使昭

州別駕徙賀再徙富州

鄒浩字志完晉陵人第進士哲宗親擢爲右正言元符元年以論賢妃劉氏不當立章惇詆其狂妄遂除名羈管新州道遇陽翟田畫浩出涕畫正色曰使志完隱默官京師遇寒疾五日不汗死矣豈獨嶺海之外能死人哉願君毋以此舉自憊徽宗立召還帝首及諫立帝后事獎歎再三詢諫草安在對曰焚之矣退告陳瓘瓘曰禍在此矣異時奸人出一紙不可辯矣蔡京用事素忌浩乃使其黨爲僞疏言劉后殺卓氏而奪其子遂再謫衡州別駕尋竄昭州五年始得歸

曾布崇甯中謫賀州別駕

黃葆光字元暉黟人爲左司諫政和末歲旱葆光上疏劾太師蔡京侈大過制疏八不報且欲再上章京權勢震赫舉朝結舌葆光獨出力攻之京懼中以他事貶之昭州立山縣又使言官論其附會交結泄漏密語詔以章揭示朝堂安置昭州洪興祖字慶善鎮江丹陽人知饒州時秦檜當國諫官多檜門下爭彈劾以媚檜興祖坐嘗作龍圖閣學士程瑀論語解序語涉怨望編管昭州卒明年詔復其官直敷文閣

胡銓紹興人爲樞密院編修官上疏乞斬王倫并

秦檜孫近乃以銓監廣川鹽倉

省志作昭州

諫官羅汝

楫復劾銓餽非橫議詔除名編管新州守臣告銓
怨望復編管昭州孝宗改元召還知饒州乾道初
爲工部侍郎卒

賈和仲淳熙二年八月以摠管除名編管賀州捕
暴寇失律也

石普幽州人爲桂州觀察使遷節度使時方崇尙
符瑞而普請罷天下醮設歲可省緡錢七十餘萬
以贍國用由是忤帝意祥符九年上言九月下旬
日食者三又言商賈自秦州來言唵厮囉欲除報
曹瑋樞密使王欽若言普欲以邊事動朝廷帝怒
詔除名貶賀州

明

王度字子中歸善人少有才學工文詞用明經薦
爲山東道監察御史建文時燕兵起度悉心贊畫
及王師屢敗度奏請募兵小河之捷奉命勞軍徐
州遇方孝孺與度書誓死社稷燕王稱帝坐方黨
謫戍賀縣又坐語不遜族
范周江南人累官至副都御史左遷平樂同知二
載恬淡自如遇佳山水輒吟咏見志士民思之

仙釋

平樂縣

隋

莫王名不傳本姓杜立山羣峰寨人生開皇中一歲父卒從母適荔浦石門村莫氏從其姓自幼蔬食遇異人受翀舉之術唐貞觀八年正月十六日尸解去里人嘗見王素衣白馬披髮仅劍行村落中因肖像祀焉後唐時邑有周生者謁選京師奉所繪王像隨行兵亂唐主在軍中見一人素衣白馬披髮仗劍于前遂克捷唐王異之博訪其蹟適獲生以所繪像進披閱恰如所見因封王爵令有司廟祀至今不廢

宋

譚氏二女端平間人家於樂山里鮓塘村之誕山

平樂府志

卷二十三

仙釋

十二

繼母不慈備極苦楚一旦脫胎于聖山絕頂飄然羽化呼吸風雨應如影響聞者異之舅氏陶克忠躬耕望雨適二女至女曰飲我卽雨舅氏猶豫女復曰飯我卽雨舅氏飯之二女飛騰聖山俄頃大雨如汪舅氏往從上呼則下應下呼則上應變幻無端莫知所之時有孀婦往祭因登高有難色女卽飛茅於誕山之原人異之卽立祠以祀每歲旱有禱輒應故世傳爲誕山仙云

藍殿仙師陶克忠五代陶太尉之後學黃老術其妹適譚氏生二女白日飛昇忠方躬耕望雨二女忽至曰飯我卽雨飯畢雨果至忠隨雨化洪武間

立廟祀之至今享祀日隆

明

龍道人因修道世以道人稱之而忘其名元末世亂于走馬坪結廬獨居環植以竹飄然有塵外之致洪武二年通判夏天啟訪之贈詩云竹木森森畫不如懸崖峭壁一茅廬人生若識元機妙須向禪關覓太虛後六年積薪自化

按昭平縣志亦載其人今從舊志

姚二仔崇禎間有姚姓者幼呼爲姚二仔遺其名字自生時卽不食葷年十四五離父母登火焰山中峰之頂立片蓬爲起居每年止種菜芋充腹山頂有池廣袤六丈深丈餘池內有金絲大鯉二尾

平樂府志

卷二十三

仙釋

十三

池南有桃一株每結實取啖之司理唐邦教蒞任時歲早屢禱無雨聞其有道行差使懇請久之隨至印山亭趺坐不食烟火止啖菓品遣人立表河邊限以尺水坐至次日卽雨三日河水盈尺門上謝以金不受反山後數日司理高其風有天際真人之想復遣使訪之至則了無所見惟餘片蓬而已

爽菴眞者得一切觀智遠遊匿跡或有問其里姓但曰廣西人不知何州縣問所師授搖手不答有固問者但云吾師觀世音而已嘗掛擔於邑之北山寺去就無常莫知其所終

恭城縣

宋

安昌期昭州恭城人住縣東葛家溪生而神異皇祐間舉進士會儂寇平推恩二廣凡與禮闈試者皆特授職昌期就官橫州永淳縣尉以事去任解印後卽棄家携一童謂人曰毋輕視此童他日與吾偕隱者性善歌嗜飲好爲嬉戲席間結紙作數紐覆於器內器動啟悉成羣鼠飼以食則咀嚼奔躍旣叱之而聚仍覆以器依然紙紐矣一日入山採藥取木葉咽之歸吐示人津涎凝葉如膏乳人或異之覘其居處多終月不寐先生酷愛山水往

平樂府志

卷二十三

仙釋

十四

粵東日縱遊爲樂慕廣州清遠縣峽山寺自言爵里姓名于寺僧又曰久聞峽山有和光洞故來一遊俱不測其所言無何與其童竟不返寺僧率僕天入山遍求忽石壁上畱詩曰蕙帳將辭去猿獠不忍啼琴書自爲樂朋友孰相携丹竈非無藥青雲別有梯峽山余暫隱人莫擬夷齊自是人不復見蓋道成而羽化云曲江令張昂爲之作傳葉墓斜陽在縣西二里江口相傳唐有高士隱此或樵於山或釣於水優游自適人求見且不可得後冲舉今遺古墓諺所謂葉嶺斜陽畱影墓畔

富川縣

漢

張道陵字輔漢生於吳之天目山漢光武十年也
善以符治病後隱於富川之白霞修煉至桓帝永
壽元年又往雲臺峰白日飛昇人卽其地祠之曰
丹霞觀

後周

莫公不知其名後周時人自七歲辭親隱於穿石
崑學導引術年二十自謂能空明寂滅後竟莫知
其所之

宋

僧善慶宋時清涼寺僧勤戒行得悟入旨後遊大

平樂府志

卷二十三

仙釋

十五

小洞天卒不見人以爲羽化云

賀縣

明

黎兆由貢生任廣東德慶州州同有文名老年致
仕好遊咏山水信都三峰要徑石形像蛇體每遇
疾風暴雨行人過此蛇遂食人兆題詩於蛇舌曰
徑名雖要實平亨鳥道全堪駟馬橫不是武成偏
捷路青天白日任君行其二曰天下名山何處無
斯文千古仰匡廬六經原是超凡徑一貫方爲大
丈夫嘗居於峰前有大塘一口塘邊兆掘井形似
蟹眼塘水四面俱低井水高塘水二尺許汲之清

涼烹茗煮粥色帶紅紫其味甘冽自後四方往來
如遊坦途咸稱有神術焉